

Bergarako Udalaren eta Jardun euskara elkartearen arteko hitzarmena, *BERRIKETAN* programa diruz laguntzekoa

Bergaran, bi mila hamazortziko abenduaren hogeita batean,

BILDU DIRA

Maria Elena Lete Garcia andrea, Bergarako Udaleko alkatea Bergarako Udalaren ordezkartzan.

Eta bestetik, Peio Andrinua Iraolagoitia jauna, Jardun kultur elkarte lehendakaria, elkarte horren izenean. Azken honek alkate jaunaren aurrean zinpean aitortu du bera eta berak ordezkatzeko duen elkarte ez daudela Estatuaren 2003ko azaroaren 17ko 38/2003 Legeak aurreikusitako debeku kasuetan.

Bi aldeek elkarri aitortzen diote ordezkatzeko duten entitatea ordezkatzeko eta behartzeko gaitasuna eta, hala, honakoa

ADIERAZI DUTE

1.- Jardunek Bergarako Udal Euskaltegiarekin lankidetzan eta Bergarako Udalak diruz lagunduta, euskaldunberriei euskaraz egiteko guneak eskaintzeko, *Berriketan* izeneko programa garatzen diharduela azken urteetan.

2.- Izandako esperientziaren balorazio positiboa egin dela kontuan hartuta, programari jarraipena ematea erabaki dela eta Jardunek diru-laguntza eskatu diola Udalari.

5.- Proiektu hori garatzea interesgarria delakoan, Udalak, Alkateak 2018ko abenduaren 20an emandako Dekretu baten bitartez, diru-laguntza eman eta bi aldeek betebeharrak hitzarmen batean jasotzea erabaki duela.

Hala, beraz, bi aldeek honako klausulak dituen hitzarmena egitea onartu dute:

KLAUSULAK

LEHENENGOA: Jardun euskara elkarteak, dinamizatzaile baten bidez, hitzarmen honen eranskinean (labur-labur) eta aurkeztu duen aparteko txostenean agertzen diren ezaugarriak dituen **BERRIKETAN** programa bideratuko du 2018ko irailaren 1etik 2019ko abuztuaren 31ra bitartean.



Teléfono: 943 760819 - 943 764661
Fax: 943 760819
E-mail: jardun@jardun.com
Errotalde Jauregia (Kultura Etxean)
20570 BERGARA

BIGARRENA: Bergarako Udalak **14.850 euroko diru-laguntza** emango dio proiektu hori burutzeko Jardun euskara elkarteari.

Diru-laguntza hori 3 zatitan emango da, era honetan: hitzarmena sinatzean %30; 2019ko otsailean %30 eta 2019ko irailean beste %40. Azkeneko zatia ordaintzeko, aurrez ekintzaren memoria, balantze ekonomikoa eta gastuen zuritze-agiriak aurkeztu beharko dira.

HIRUGARRENA: Horretaz gain, Jardun euskara elkarteak honako konpromisoak hartzen ditu:

a) EBPNko Hezkuntzako esparruko batzordean parte hartze aktiboa izango du antolatzen diren ekitaldietan parte hartuz, bertatik sortutako proiektuen jarraipena eginez, proposamenak eginez...

b) Ekintzaren gaineko zabalkunde-oharretan Bergarako Udalaren laguntza jaso izana adieraziko du.

c) Gizarte Segurantzarekiko, Foru Ogasunarekiko eta Bergarako Udalarekiko ordainketetan egunean dagoela egiaztatzen duten agiriak aurkeztu beharko ditu.

d) Bergarako Udalaren aurrean ziurtatu beharko du baldintza guztiak betetzen dituela, hala nola, diru-laguntza jasotzen duen zerbitzuaren jarduera eta helburua betetzen direla.

e) Udalak egin litzakeen ikuskapenak erraztuko ditu.

f) Bergarako Udala jakinaren ganean jarriko du baldin eta Udalak diruz laguntzen duen jarduerarako beste diru-laguntzarik lortuz gero.


Beste diru-laguntzaren bat jasoko dela jakin bezain azkar jakinarazi behar zaio Udalari, eta, betiere, azken zatia ordaindu baino lehen.

g) Gutxienez bost urtez gordeko ditu jasotako diruari eman zaion erabilera agertzen duten agiri originalak.

LAUGARRENA: Udalak emango duen diru-laguntzaz gain helburu bera duen beste edozein diru-laguntza ere jaso daiteke.

Hala eta guztiz ere, diru-laguntzak (Udalarenak bakarrik edo beste batzuenekin batuta) ezingo du inola ere altuagoa izan diruz laguntzen den jardueraren kostua baino.

BOSGARRENA: Diru-laguntza emateko kontuan hartu diren baldintzetakoren bat aldatuko balitz, edo Udalarenaz gain beste administrazio batek edo entitate pribatu edo publiko batek emandakoa jasoko balitz, gerta liteke emandako kopurua aldatzea.




Telefonoa: 943 760819 - 943 763661
Faxa: 943 760819
E-mail: jardun@topagunea.com
Errotalde Jauregia (Kultura Etxean)
20570 BERGARA

SEIGARRENA: Diru-laguntza berrikusi egingo da eta, egoki bada, kendu, baldin eta hauetakoren bat gertatzen bada:

- a) Diru-laguntza bete beharreko baldintzak bete gabe jasotzea.
- b) Diru-laguntza erabiltzea lortu beharreko helburua ez den beste helburu baterako.

Edozein arrazoiengatik, diru-laguntza (osoa edo zati bat) itzuli beharra balego, diru kopuru hori zuzenbide publikoko sarreratzat hartuko da.

ZAZPIGARRENA: Hitzarmen honetan aurreikusita ez dagoen guztian, diru-laguntzak arautzen dituen 38/2003 Estatuko Legea, azaroaren 17koa, eta lege hau garatzen duen erregelamendua, 2006ko uztailaren 21eko 887/2006 Errege Dekretuaren bitartez onartua, aplikatuko dira.

Eta horrela jasota gera dadin, dokumentu honetako edukiarekin adostasuna azalduz eta leial betetzeko konpromisoa hartuta, goian aipatutako toki eta egunean bikoiztuta sinatzen dute.



Peio Andrinua Iraolagoitia
Jardun euskara elkarteak presidentea



Maria Elena Lete Garcia
Bergarako alkatea

ERANSKINA: Jardun euskara elkarteak aurkeztu duen eskaria

Bergarako Jardun euskara elkarteak, Bergarako Udal Euskaltegiarekin lankidetzan eta Bergarako Udalak diruz lagunduta, euskaldun berriei edota euskara oso galduta dutenei Euskaltegietatik kanpo euskara praktikatzeko guneak eskaintzeko ahaleginetan dabil azken urteetan. Zehazki, **Berriketan** izeneko programaren bultzatzaile nagusia eta koordinatzailea da 2006tik.

Egitasmo honetan euskara praktikatu nahi duten horiez gain, borondatez laguntzaile izan nahi duten herritar euskaldunak ere badira; euskaraz berba egiteko talde txikiak antolatzen baitira, izena eman duten "euskaldun berri" edota "euskaldun" horiek libre dituzten orduak eta ahal den neurrian gustuak kontuan hartuta taldeak antolatzeko. Hala, printzipioz, partaide guztiek (euskara praktikatzeko premia dutenek eta euskaraz natural berba egiten dutenek) hartzen duten konpromisoa astean ordubetez elkartzeko izaten da. Bestalde, horretaz gain, aukeran hainbat ekintza osagarri ere antolatu ohi dira (astebukaeretakoa irteerak, afariak, Mintza-eguna...) talde txikitik irten eta talde handiagoarekin ere elkartzeko aukerak eskainiaz.

2017-2018an, guztira 56 parte-hartzailek amaitu dute ikasturtea (50 emakumezko eta 6 gizonezko). Hauetatik 42 bidelariak dira (euskara praktikatu nahi dutenak) eta 14 bidelagun (borondatezko laguntzaileak), 13 berbalagun taldetan banaturik.

Eta **BERRIKETAN** egitasmo hau herritarren artean bereziki ahozkoan euskararen erabilera bultzatzea duenez oinarritzko helburu moduan, Bergarako Udaleko Euskara Zerbitzuak berak udal langileen artean ahoz euskararen erabilera bultzatzeko martxan dituen beste egitasmotan ere laguntza ematea eskatu zion Jarduni. Hori dela eta, 2012an Jarduneko langile izan eta Berriketan egitasmoaren koordinatzaile lanetan aritzen den Maitane Euskara Zerbitzuko Maripirekin hasi zen elkarlanean Obra eta Zerbitzuetako langileen artean euskararen erabilera areagotzeko egitasmoan, eta biak elkarlanean ari dira sentsibilizazio saioetan.

Hori guztia kontuan hartuta eta elkarlan honetako esperientziaren balorazioa oso positiboa izan dela kontuan hartuta, programari jarraipena ematea erabaki du Jardunek.

2017-2018ko urteko balorazioa eta 2018-2019rako aurreikuspenen txosten osatua ere aurkeztu dio Jardunek Udalari.

2018-2019an ere elkarlanean jarraitu ahal izateko, diru-laguntza eskatzen diogu Bergarako Udalari, 14.850,00 € hain zuzen ere.

BERRIKETAN EGITASMOA	
2018-2019 IKASTURTERAKO BEHIN BEHINEKO AURREKONTUA	
(2018ko irailaren 1etik 2019ko abuztuaren 31ra)	
GASTUAK	ZENBATEKOA (€)
PERTSONAL GASTUA (egunean 3 ordu)	12.500,00
IRTEERAK	300,00
ZABALPENA (Topagunea, Berriketan, Gurasolagun...)	400,00
OPARIAK (ikasturte bukaerako oparia...)	200,00
BESTE GASTU BATZUK	1.450,00
GUZTIRA	14.850,00